

INUIT ATAQATIGIIT

Inatsisartuni



Aasiaat 19. februar 2019

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apeqquteqaateqarpunga.

Naalakkersuisunut apeqqt:

- 1. Qeqertarsuarmi sisoraatinik majuartaatip tungaanut innaallagissap aqputissaanik Naalakkersuisut pilersitsinissaminnik pilersaaruteqarnerpat imaluunniit soqutiginnippat?**
 - a. Aappiuppat tamanna qaqugu pilersinneqarsinnaava?**
 - b. Naamiuppat tamanna sumit peqquteqarpa?**
- 2. Qeqertarsuarmi angerlarsimaffiit ukioq kaajallallugu imermik pilersorneqarsinnaasut qassiuppat?**
 - a. Taakkunanga angerlarsimaffiit qassit ukioq kaajallullugu erngup aqqutaanut attavilerneqarsimappat?**
- 3. Angerlarsimaffiit ukioq kaajallallugu erngup aqqutaanut attavilersinneqarsimangitsut attaveqalersinniarlugit Naalakkersuisut qanoq pilersaaruteqarpat?**
- 4. Angerlarsimaffiit amerlanerpaartaasa erngup aqqutaanut attaveqalersimanissaat qaqugu pisinnaasoq Naalakkersuisut naatsersuutigaat?**

(Inatsisartuni ilaasortat Peter Olsen, Inuit Ataqatigiit)

Tunngavilersuut:

Naluneqanngitsutut Qeqertarsuami sisoraatinik majuartaat Kommune-p suliniutigisaa pilersinneqaraluttuarpoq naammassingajalerlunilu. Naluneqanngitsutullu majuartaat ungasingaatsiartumiippoq qatsiartumiillunilu. Majuartaat innaallagissamik pisariaqartitsitsivoq, minnerunngitsumillu majuartaatip pilersinneqarneratigut takornariaqarnikkut ineriartortitsitsinnaaneq aammaanneqassaaq, illuaqqanillu unnuisarfiusinnaasunik aamma pilersitsiviusinnaangussalluni. Suliami tassa Namminersorlutik Oqartussat suleqataasinnaanermut soqutiginninersut paaserusuppara.

Innallagissap aqqutaataa pilersinneqarnissaa pinngitsoorneqarsinnaanngilaq, tamanna illoqarfiup ineriartorneranut iluaqutaassusammatt.

Taassuma saniatigut paasivara Qeqertarsuarmi erngup aqqutaat minnerunngitsumillu kuuffiit aqqutaat pillugit pitsaangitsumik inissimasoqartoq. Paasivara illut amerlasuut ukioq kaajallallugu ernup aqqutaanut, kuuffiillu aqqutaanut attavilersorneqarsimangitsut. Tamanna ajorpoq pitsaasuunngilarlu. Pitsanngorsaasariaqagarput.

Taamatut tunngavilersuuteqarlunga matumuuna apeqquteqaatikka ingerlateqqippakka.

Qinnutigissavara apeqquteqaatima ullut suliffiusut qulit iluanni akineqarumaartut.